




北
雀樓文集

~ 16
188
1

和 6
188
1



附和
卷一
188



孔荏樓文集序

清儆叟先生性素剛嬰是
疾人皆以_テ廢殘惜_ム既而
拜_レ其君寵_レ聘居_レ文興之
任人出_レ深_ク焉尔來二十有餘
年恩遇益深_ク潘中之士

画目以玉生續訪話之屬
各之生法各之其祥獨昔

先生能得其妙云先生於

程精且博而深為洛陽之風

於史貫穿淹通二六為千集

指此堂上以撰實治通鑑

批評十卷精密玄妙出

人意表而其要歸本諸

情理雖異邪精史也

企及家史外章之妙可

海內無與二矣先生元以

能訪可數年未不多比

其或_レ之_レ其_レ故_レ 先生_レ不_レ欲_レ以_レ
 經_レ滿_レ自_レ見_レ蓋_レ之_レ制_レ急_レ云_レ而_レ
 其_レ制_レ之_レ時_レ發_レ於_レ宴_レ語_レ款_レ曲_レ
 之_レ中_レ使_レ人_レ悚_レ然_レ如_レ冷_レ水_レ澆_レ背_レ
 即_レ多_レ沙_レ慙_レ辱_レ之_レ索_レ唯_レ生_レ
 与_レ後_レ之_レ由_レ之_レ及_レ之_レ与_レ唯_レ其_レ獨_レ

立_レ特_レ之_レ有_レ由_レ而_レ致_レ焉_レ而_レ
 先生_レ自_レ名_レ 先生_レ嘗_レ以_レ僕_レ
 曰_レ柳_レ係_レ曹_レ蘇_レ文_レ忠_レ之_レ後_レ益_レ
 世_レ偉_レ未_レ之_レ漢_レ其_レ集_レ柳_レ之_レ
 在_レ山_レ嶺_レ嶠_レ之_レ勝_レ憤_レ然_レ蘇_レ之_レ在_レ
 海_レ島_レ不_レ勝_レ鴛_レ激_レ之_レ宥_レ招_レ之_レ為_レ

二子惜寫先生之於疾病
 既窮之中而不作憤然矯激
 之語其所以持名者亦可
 以觀其僕不才實足為先生
 之集抑亦先生命而肉體
 錄僕親炙數年固已知

悉者為序海內之廣人亦
 之眾其或能知先生之
 庶幾其真僕之言不謬云
 安永慶

備前高潤拜撰

[Faint handwritten text in vertical columns, likely bleed-through from the reverse side of the page.]

孔雀樓文集序

潤以辱僚友之誼。受教於儋叟先生者固非一日矣。顧以才氣疎淺。不足以承培造之功。朝夕惴惴。因失墜焉。先生善病善死。冀以先生。在日版其文集。公諸海內。傳諸後世。顧潤力未能也。端隆字文仲者。

久遊於先生之門。其人才長於詩。懼先生詩文。率不留其稿。坐致散逸。卽自傍見。輒錄之者。二十有餘年。得文百十七首。詩百七十首。類編成書。又自任剗之事。且請一貴人。久要於先生者。戮力與佐焉。文仲勤矣。始文仲請斯舉於先生。

也。先生喜且謝曰。老夫比歲病困。而又數遭家不幸。加之脚弱纒痊。氣疾大發。衰憊甚。卽今庇子勞心。集版之就。冀及殘喘尚存之日。版成。先生命潤序之。先生之文名於海內數十年。其著書業已梓行者。數種。人人寶焉。潤今於斯集。何能。

為序然讀先生之文如潤不敏亦
 深慨然方今文氣日卑即號稱力
 學者亦其所標的者在重糴矣在
 名高矣至猥瑣者曰第名高可不
 朽第速第多可名高乃脅嚇眩駭
 觀場之徒云先生學博才優擅力
 著述儼然為海內文宗而宗實著

書不屑以名高為眾所推居常謂
 諸生曰名高耶不朽耶非老夫所
 知亦唯於斯文也苦思力學四十
 餘年頗有所悟入竊自比漢庭老
 吏云乃先生之文持法尤嚴首尾
 開闔經緯錯綜無一不由乎法觀
 斯集者自知為先生之詩亦猶其

文而先生不欲以詩顯其或有所
避乎以故集中僅存其所省之半
爾况又其在藩在東都之邸觸興
而賦往往爲人所持去散逸極多
云盖先生病且阨卽觀諸文藻之
際雖不可以見能知先生者亦可
以觀爲先生爲人耿介寡欲加以
藩遇優渥則未嘗私自憐實以所
病且憂非復一端未有以報君恩
遂得攻苦讀書銳意著述此其志
盖難言者云斯集也公諸海內傳
諸後世俾知吾藩有先生則先生
不特有大功於藝文亦有與國輝
也抑亦文仲之勤實有功于先生

哉乃潤亦喜足償宿志於是忘僭
踰遂爲之序

安永癸巳冬十一月

越國文學前田潤拜撰



謝狛玉峯公三首其一農日樓其一龍眼寺其一
中秋美濃道中一首留別諸友一首右五首俱七言
律曇川画鷹一首品河一首香取晴嵐一首右三
首俱七言絕本多西臯公家藏文徵仲画軸題言
洞庭湖圖題言平井翁壽序終南和上詩集序日
本詩選跋島津衷良墓碣銘妙正寺記八百老尼
記右文凡九首右詩文俱或謂既在淨書本中而
及版就始覺一時誤失或脫稿在版就之後或求
稿諸方未得即今以成書急速不能更遲數月右
俱當入第二集中若夫其他散逸者不在斯限云

安永甲午夏六月

男 勲謹識



孔雀樓文集卷之一

越國文學 播磨清絢 著

男 勲 校

擬古樂府

獨漉篇

獨漉獨漉。水深泥濁。寧勞車夫。無折車軸。肅肅征鴻。
 五七橫空。我念美人。浩歎北風。嫋嫋女蘿。蔓松與石。
 醜婦得夫。施粉狼藉。劔鳴匣中。魑魅四散。兇頭易割。
 佞頭難斷。營營逐逐。曰可勝天。奚須讀書。舞智自賢。
 班班者虎。耽耽負嵎。猛虎雖餓。不食俗儒。

五言古詩

雜詩二首

長安多俠客。被服艷綺羅。中堂置美酒。佳人勸且歌。
歌聲旣妙絕。嬌態亦殊多。四座方懽呼。游子竟如何。
中心懷菽水。死生豈有他。所懷猶未就。忽忽歲年過。
強飲不能醉。持觴涕滂沱。

西山有桂樹。根幹託岑嶽。雖無桃李艷。不使雪霜侵。
如何斧與斤。荼毒日相尋。勁直雖自將。芳馨恐銷沈。
一旦栽華館。培養恩遇深。青松與翠栢。矧又契同心。
永侍君子庭。凌雲方自今。

曉發木下

山夜正寒凜。欲曉偏難睡。蓐食更衣裳。把火照行李。
月影尚啣山村中人未起。隔牆謝主人。辛苦渡溪水。
澗道次第高。群山何累累。回瞻過來村。森木朦朧裡。

湯尾嶺

到此峽將盡。險惡彌堪驚。蒼壁使天小。巉岩夾縱橫。
日星不光處。風水古今鳴。仰見先登者。人馬樹梢行。

七言古詩

鍊楞山歌

鍊楞之山大海涯。播攝風煙入望奇。山容海色無今

古。人。世。嘗。此。覆。六。師。東。方。副。將。源。九。節。軀。身。雖。小。謀。
慮。長。大。將。城。南。戰。未。半。潛。兵。却。向。城。北。方。山。屏。千。尺。
俯。城。中。石。怒。沙。崩。路。不。通。異。體。同。心。三。千。騎。翻。如。逸。
翻。下。長。空。黑。風。吹。起。滿。城。塵。火。發。雲。中。散。金。鱗。十。萬。
西。軍。如。獲。薙。馬。上。簇。簇。无。首。人。龍。舟。出。沒。海。門。煙。玉。
壘。無。光。殺。氣。懸。勝。敗。永。留。青。史。上。一。肱。春。夢。五。百。年。

苦熱行

炎。風。吹。熱。熱。如。衝。銀。鱗。耀。日。黑。雲。重。天。河。不。瀉。飲。牛。
水。火。帝。飛。上。赤。色。龍。束。帶。發。狂。真。可。怜。赤。脚。踏。水。無。
取。從。吁。噫。噉。苦。乎。毒。熱。之。苦。孰。最。然。五。溪。六。詔。從。軍。
士。毒。草。深。箬。荷。戈。鋌。馬。汗。如。花。沙。如。火。刀。癢。肉。潰。血。
欲。燃。君。不。見。漢。主。離。宮。三。十。六。白。晝。風。霜。滿。四。筵。細。
腰。爭。舞。肌。起。粟。越。羅。衫。薄。欲。裝。綿。南。中。毒。熱。勿。復。議。
君。王。自。擁。錦。衾。睡。

白雪魚歌 別有序

北。陸。雄。藩。福。井。城。三。冬。雪。霰。大。雷。鳴。黑。風。吹。海。潮。如。
馬。衝。崖。轉。石。勢。縱。橫。萬。艘。葉。點。海。濱。漁。與。波。上。下。似。
安。車。聖。天。之。網。如。使。臂。白。雪。紛。紛。白。雪。魚。進。奉。之。
餘。不。論。錢。儋。叟。先。生。喜。氣。偏。紅。鱗。銀。鱗。何。須。數。當。稱。
汝。是。魚。中。仙。水。刀。揮。處。水。晶。寒。玉。椀。盛。來。雲。母。團。露。

下芙蓉迎曉月。風前柳絮點鳴湍。松蒼仙酒金巨羅。
爲汝何妨滿酌多。白雪魚兮我愛汝。賦詩還媿白雪
歌。

題關公像

關公忠勇孰能當。荊州草木有輝光。帳前排列貔貅
士。萬馬無聲殺氣揚。關公忠勇武且文。天不假年竟
三分。馮夷晝舞吳船鼓。天狗夜吠麥城雲。君不見當
日許都禮遇深。大宴小宴萬黃金。驚雷急電豪傑怒。
青天白日豪傑心。又不見逆賊運祚水上漚。三馬食
槽不回頭。乃知關公真豪傑。嗚呼乃知關公真豪傑。

麤川打魚歌

麤川啓開芒種天。水族電馳入稻田。老鮎宿鱸蹤可
死。赤鯉朱鱒巧迴旋。相呼相喚丁與壯。槌棍亂打泥
過顛。君不見駒林之網七百丈。簌掃龍宮時愕然。又
不見高砂五智彈機巧。風濤或以一身捐。村農不設
捕魚具。一時遇合誇擊鮮。家有二斗醪。醱綠飽食轟
飲夕陽眠。

秋山歌贈端文仲

秋雨洗山。山色暗。瑠璃空青徹。骨清。朝日夕日相映
射。彩翠飛揚使人驚。孔雀錦雞紅翡翠。鴛鴦鸚哥画

不成餽舍如舟山不見。平川一望衆山橫。眼中之人
須載酒。鳥水桂水携手行。

七夕篇

七月七日乞巧樓。明河如練月如鈎。三三五五江南
女。含嬌含態不知愁。瓊珥寶簪金翡翠。鳳簫龍管玉
箜篌。蒲桃美酒肯於蜜。纖指擎盃奈嬌羞。漫酌繁聲
終復作。唯愁彩月向西流。君不見上陽宮裡秋夜永。
玉漏沈沈金輪收。雲母屏深燈焰暗。水晶簾捲露花
稠。漫携紈扇撲螢火。空將銀合□□□。又不見廬龍
塞外風霜早。鍍衣冰冷不勝秋。長兵短兵血有聲。饑

鵬避月啄鬪體。大磧茫茫星斗白。十萬征人齊舉頭。
勿道佳期天上少。却使世人羨女牛。

冬日會田士河宅

連日風兮今日風。三晝三夜雪濛濛。勿道玉龍三百
萬。白抹乾坤萬象空。籃輦迎我憐老病。城西大道達
城東。大道銀濤凝不流。輦行只有一線通。熾炭圍屏
陳酒饌。熱椀屢鳴似艸蟲。君不見半夜入蔡賭一死。
擒得逆豎策奇功。又不見含嬌含態党家姬。低唱
淺斟錦帳中。功名豪貴從他輩。醉臥且歡諸友同。

五言律

春寺

蓮峰開寶地。雲樹上方餘。一夜山中雨。三春物外花。回廊暗景轉。古殿彩嵐遮。忽見巢禽下。老僧飯熟麻。

宿今莊

客意何陰鬱。峰巒斷又連。馬寒依晚市。鴉噪點平田。篔簹水藤蘿氣。山村橘柚烟。病身貪蚤宿。正在夕陽先。

擬秋宵翰苑寓直

閭闔秋光斂。蓬萊夜色賒。風涼踈御柳。月出散官鴉。玉署天如水。金莖露似花。焚香書詔草。故使畫屏遮。

秋日同仲兄君錫詣雪鼎上人院二首

城頭秋雨霽。爽氣颯禪居。一榻涼雲色。双林落葉初。焚香薰玉麈。滴露寫金書。幽尋兄與弟。多歡世態除。避俗多稱病。論文此話心。坐來松瑟響。吹起海潮音。一鉢乾坤大。三乘歲月深。空勞白社飲。難報碧雲吟。中秋同禾官武三生伯兄君錫遊賀茂得中字。為是良霄月。壺觴茂苑中。風寒雲母帳。人坐水晶宮。琪樹神光滿。清川玉練通。酌來揮筆處。共見謝莊工。詠舞。十五陽阿選。登場擅妙才。嬋娟天上舞。縹緲掌中迴。柳與腰疑絕。花兼扇並開。唯應行雨客。永在避風臺。

九日登神女峰寄懷楚臣

自是印南勝。清秋四望開。雲憐神女色。人愧大夫才。
海國西風晚。長安北雁來。如何同病客。不與菊花盃。

上二兄

自折橋頭柳。三年海國秋。見他兄弟好。深我別離愁。
貧病今如此。文章死不休。登高令節近。早晚發歸舟。

聞雁

西風催落木。北雁度高城。斷續山頭影。淒涼月下聲。
玉關人未入。錦帳夢偏驚。去去湘江水。遷臣何限情。

詠菊

商飈催落木。穠菊見時芳。葢奪黃鸝色。枝含翡翠光。
瀟湘堪獨往。彭澤好相將。泛酌多幽賞。併生春酒香。

雪夜飲梁文學宅二首

大海寒潮響。高城夜雪開。先生情不淺。良宴興偏催。
積素含銀燭。凝華映綠醅。醉中將作賦。愧乏謝莊才。
莫是中宵折。銀壺尚自斟。多年勞掛夢。此座好論心。
上國聲稱滿。泮宮寵禮深。更宜占景福。膝下二龍吟。
橋本氏醺吾太夫。本多公於墨水仍觴其莊同。
諸君從遊。

墨江閑宿雨。良宴此陪遊。彩舫中潭色。名園八月秋。

林巖多意態。棋画足風流。坐客歡俱洽。盃盤晚未收。
和桑名南宮喬卿見寄

海城勞驛使。京洛得珠璣。只使論交在。何嘆把袂非。
春花時未盡。秋雁正爭飛。郢歌稱寡和。多病更相違。
駒井某請画虎贲蓋有所禱祝云

群木山中秀。耽耽飲水流。錦毛穿草見。白額映波浮。
麗藻傳陳繡。雄名屬許侯。丹青能寫得。豪氣自千秋。

八月十六日夜奉訪天叔長老院有詩見眎賦
之却呈

既失中秋月。又如今雨何。塵寰歡合少。物外興還多。

供給饒禪味。風流按郢歌。坐來煩想盡。心賞更無它。

五言排律

同諸子遊大夫本多公山池

名園隨綠野。宴坐壯遊哉。山近涼雲起。松高翠雨來。
秋花延岸渚。嘉樹繞樓臺。美酒千鍾在。芳餐五色裁。
大邦明政舉。賢相雅懷開。戲絲榮尊嗣。論文列俊才。
為忘軒冕貴。那用語言猜。既醉暝鐘動。未教歸騎催。

參議藤公使日光賦以奉送

洛城卿月動。日觀使星通。祠祭儀容肅。金湯禮待隆。
神光輝福土。佛子置琳宮。梵唄傳丹壑。旌旗接紫

穹虹垂飛瀑。上魔伏法雲。中草木生元氣。乾坤仰大
風。崇封期浩劫。設險到無窮。詞筆聲稱甚。軒車眺望
雄。名官原奕世。華系出三公。更向燕臺去。橫行冀北
空。

五春臺望

層臺開遠矚。群物媚春陽。迴合宮城出。縱橫市井長。

衣冠馳道上。歌吹狹邪傍。殘雪融遙岫。晴煙擁密篁。
川平搖鴨綠。柳弱弄鵝黃。花帶游絲映。鶯兼翡翠狂。
風流朋在坐。登覽酒盈觴。鳳輦知時出。雲成五色光。

七言律

擬唐人主家應制作

主家山館灞川隈。御輦春遊麗日開。彩鷁逢迎烏鵲
渚。朱旗繚繞鳳凰臺。花邊採石移珠履。竹裡分泉泛
玉盃。聖藻新裁雲五色。微臣深愧栢梁才。

奉送中將藤君使築紫二首

長安久領羽林兵。奉使星槎萬里行。海上新開龍虎

節雲中迴見鳳皇城。祠官鐘鼓清秋響。

神祖旌旗白日明。大禮今逢脩曠典。多歡博望策勲名。

其二

應神陵寢壯金題。更向香宮路不迷。豈是銅標蠻部僻。多知青翰鄂君齊。琉球大小新荒服。督府軍民舊鎮西。回首長安休道遠。五雲偏自日邊低。

夢

石枕山屏太自由。百年哀樂此中收。花邊蝶逐春風舞。臺上雲隨暮雨浮。五馬南柯新作郡。三刀西蜀遂

臨州。謝公原是文章美。芳草池塘趣更幽。

蜃樓

海天春霧曉茫茫。空裡樓臺結構長。漠北弄來傀儡子。宮中偷得返魂香。橋成織女何勞鵲。石動仙人忽叱羊。若使廣陵嘗一出。枚乘七發更輝光。

人影

世情翻覆那紛然。幻相追隨獨可憐。衫帳傳盃銀燭列。丹崖駐杖夕陽懸。西園上客陪飛蓋。南國佳人愛採蓮。暗室孤眠雖少別。永年無恙好因緣。

和禾升卿登天台三首

仙嶽雲頭突兀哉。西京巨鎮有天台。朱霞每映上方樹。墨霧時聞下界雷。

聖主中興行在所。高僧昔日說經臺。何論白馬具門見。一點芙蓉鵬際開。望見富士如笠大云

其二

伏枕予今夢寐勞。振衣憐爾避塵囂。湖生蜃氣琵琶小。石擁羊腸雲母高。玉洞千年藏大藥。松壇盡日報驚濤。真成此處通呼吸。帝使興公弄彩毫。

其三

人寰到處歎滄桑。獻嶽巍然古道場。丞相威靈驚霹

靂。

君皇封祀仰金湯。霞城遠控晴湖色。鍥柱高懸白日光。小魯當年觀爾志。諸天回首更飛揚。

奉壽拙尊者八十

突兀精廬擁石林。拙公卓錫海雲岑。山中歲月無量壽。教外文章不滅心。郢雪時隨花雨散。衣珠更映彩毫深。總緣紫氣人天滿。那用維南操世音。

戲擬王元美二首

青雲鳴佩未央宮。詔治黃河職事雄。御史漢家新使者。尚書周禮大司空。樓船萬里春流上。璧馬千年帝

澤中轉餉最關軍國急。深知朝野誦崇功。

其二

新向東方一使君。青齊郡縣接妖氛。戈船直壓龍蛇窟。缺騎橫行豺虎群。海上雄風開八陣。營中殺氣肅三軍。朝廷不淺于城寄。勿道書生徒有文。

高生別莊二首擬李獻吉

水色蟬聲靜茂林。山腰樓閣晝陰陰。含風荷葉亭亭蓋。背日枇杷簇簇金。三伏炎蒸何在眼。百年天地此論心。醉來散髮猶呼酒。如意提携領古今。

其二

城中炎熱苦塵埃。六月水亭秋色哉。地自輞川寫入畫。客偏河朔坐傳盃。沈沈竹翠沾衣濕。冉冉荷香撲席迴。烏雀夕陽將見盡。藤蘿涼月已催來。

粟津懷古

信州兵馬氣凌雲。霸業忽消湖水濱。徒有忠臣能致死。從來驕主豈垂勲。東風遺恨王孫草。夜月幽魂娘子軍。父老猶談騅不逝。喬松隱隱遶孤墳。

崑崙奴

畫圖省識本聞名。蠻船携來孰不驚。百尺檣頭占雨立。千尋海底採珠行。烏衣此日迎新壻。子墨當年作

客卿安若許公稱。夙惠空傳彩筆獨縱橫。

酒中花

誰裁白雪伴嬋娟。片片携將酒席前。玉盃浮來比翼鳥。朱唇嚙得並頭蓮。蒲桃露滴魂初返。琥珀波搖影忽遷。金字牡丹休復道。塵寰亦自有神仙。

營公祠

獻嶽降靈侍冕旒。兩朝相業憶徽猷。千秋白雪風人意。萬里浮雲逐客愁。霹靂忽驚天北極。梅花無恙海西頭。深知仰止通都鄙。夜夜神光長不休。

和日下世傑世傑河內人號生駒山人

知君詞筆本仙才。幾載江南首重回。芝朮名山真境近。蒹葭一水美人來。論交不淺瑤華贈。把袂相期濁酒盃。深媿著書當日志。風塵坐使鬢霜催。

九日同諸賢登龍山

龍山積翠擁崔嵬。于野同人此上臺。郭外江流千嶂合。城頭樹色萬家開。明時不用新亭哭。佳節相憐落帽才。黃菊紫萸偏佐酒。揮毫遶莫夕陽催。

月夜泛湖同聖謨伯恭仲達

江陵城外暑塵收。載酒相同仙侶舟。水擁琵琶明月湧。山開石鏡白雲浮。星河露滿魚龍夜。葭葦涼生雁

鴛秋欲弔湘娥何處是玉簫金管下中流

月夜太元宮吹笙

月滿神宮十二樓。森森松柏石壇幽。青山碧水開真境。玉管金簧倚晚秋。縹緲時隨靈籟散。高低偏入彩雲流。中宵曲罷天如水。欲伴羽人鸞鶴遊。

江春入舊年

雪盡江頭簇彩霞。窮冬春色自須誇。画樓煙澹偏宜柳。野水風微巧寫花。歸雁乍低公子馬。流鶯時逐美人車。一年行樂從茲始。宴坐何妨濁酒賒。

首夏病中書事

春光九十坐將空。夏景蕭條伏枕中。柳髮通風梳老綠。杏腮帶雨點微紅。佐炊時奈羸軀痛。丸藥仍無侍婢充。勿道世人皆欲殺。不才何與謫仙同。

題典公房

松檜森森溪水涯。山蛭傳響夕陽移。幽人獨往携琴處。開士相迎煮茗時。薈蓄風微香自度。芭蕉露重綠偏垂。中宵語默餘玄趣。只許簾西明月窺。

寄題望海樓

在備後應君履兄求

海畔崔嵬古梵臺。玲瓏樓閣倚蒼穹。高僧臘舊塵緣盡。彼岸秋深色相空。四國風帆飛鳥外。中原雲樹夕

陽東登臨何必勞。津筏露地牛車自在通。

夏夜對月

卧聞涼露滴梧楸。起坐披衣倚小樓。萬象近秋天似
水。四更含嶺月如鉤。蟬驚離樹時時響。螢遠入煙點
點流。多謝泠然蘇肺病。漫將詩句寫幽愁。

席上得新字

城頭一雨浥輕塵。花柳深深物色新。朋好相携高敞
地。盃盤共賞艷陽天。遙林點白供飛鳥。落日留紅與
醉人。勿以言歸妨勝興。仍憐東嶺上水輪。

春日郊行三首 同端文仲

罨画山川靄日輝。東風吹面自依依。魚沈翠葦深還
見。雉伏青蕪近乍飛。賣酒家圍花柳密。擔薪人入薜
蘿歸。良朋相約須相賞。勿使春光容易非。

其二

蒲城冠蓋競豪華。郭外還憐春色嘉。花氣薰人濃似
酒。柳煙籠水薄於紗。韻禽偏入雲中轉。舞蝶乍當風
處差。樂事何論絲與竹。吟行不覺夕陽斜。

其三

丞相祠西紙水隈。病餘聊伴友朋來。山容還入煙中
媚。春暖偏從雨後催。瑩色似銀魚隊出。濃香如蜜菜

花開豪華附與少年樂。詩就俱傳濁酒盃。

春日詣仲公城南宅

城南野色對門清。病後追尋春景晴。日映游絲迷舞蝶。煙籠嫩柳鎖啼鶯。杯盤且供家園樂。簿籍新拋要路榮。得失人寰都屬幻。深宵相對不勝情。

春日早行

驛舍夢迴殘月傾。忽忽舉馬事晨征。煙生遠郭群鴉散。日出平林一雉鳴。旅况偏於晴處適。鄉愁姑在醉中輕。自嘲不是朝參鬧。晏起難比隱士情。

湖北道中

行行淡海就脩途。春後風光亦可娛。柳岸沙平牛逐伍。蒲塘水暖鴨將雛。湖雲黏艸晴猶濕。山靄籠村近却無。時入旗亭成小酌。微吟不覺夕陽晡。

夏日偶作三首

樹竹森森遶四邊。高齋積雨日如年。且從餘潤侵書帙。還喜浮涼通几筵。採菱人歸沙岸暮。釣魚舟入柳堤煙。病來詩思偏蕪廢。勝景好須圖畫傳。

其二

披衣不為報衙忙。起倚南窗趁早涼。山映朝暉開度鳥。川添新漲及垂楊。金醪緩酌良明至。翠簟平鋪晝

夢長要路先鞭非我事。疎慵一住髮邊霜。

其三

金鴨輕飄一縷煙。莓苔滿逕遠塵緣。深松影裡迎山坐。流水聲中擁策眠。鷗鳥盟成真可侶。鱸魚味美不論錢。客居餘得歡娛地。回首鄉園自黯然。

秋日偶作

鶯花餞送洛陽春。衰病遠遊經幾旬。八月仍餘逢溽暑。一官猶賴不要津。蛛絲滿室誰清掃。書帙堆牀自整陳。薄夜長川風露下。羈愁且得少時伸。

奉和長公寄懷三首

去春分手洛陽城。楊柳青青黃鳥鳴。千里山河常入夢。數行書牘不勝情。西歸待得期雖近。北發催來日有程。離索于今年復暮。斷腸風葉打窗聲。

其二

譚經日日有恩光。休暇家園幽事長。舍北墻低山並入。堂南池淨草偏香。詩篇永伴蕉窻雨。基局時追竹塢涼。秋晚新篇清且吉。微醺好使世情忘。

其三

冬雲陣陣送征鴻。還得江南書信通。宮闕霜輕霞彩麗。田園風暖土膏融。官情兩地何能

盡樂事三春會可同。共辱主恩憐老病。不論儒服遠
時功。

奉和南條公

客裡忽忽值臘終。主恩何用哭途窮。江樓春早鷗波
暖。山寺靄開鳩雨空。楊柳酒旗斜日下。梅花驛使碧
雲中。經年報就雖羞懶。郢曲和難今古同。

再奉和長公三首

滿城梅柳滿城鶯。窮臘家園酒可傾。雙鬢光陰雖促
老。千秋事業獨呈瑩。唯將尚友開書帙。何許泛交勞
送迎。客舍雪花朝又暮。回頭洛下不勝情。

其二

仁和遺宮鳴瀧頭。園庭依舊自森幽。清谿碧嶂神仙
色。啼鳥開花詩酒遊。勝事年年俱倚杖。鄉心日日獨
登樓。殷懃寄語東君去。勿使芳菲忙裡收。

其三

脩竹森森屋數楹。主翁淳朴懶逢迎。座中俱屬忘機
客。市上還憐遺世情。濁酒三盃春雨靜。殘碁一局夕
陽傾。東風屈指催休暇。准凝追隨尋舊盟。

答子顯

玉露楓林餞送秋。大橋東畔望鄉樓。牛歸沙岸人餘

酒鶴立蘆根。雪滿舟。老病漫然於世遠。新詩特地有君投。青燈深語情無極。少壯關中携手遊。

奉和南條公

北風鴻雁萬家霜。舉首碧雲天。一方郢曲新吟潭。府裏瑤華忽映草堂傍。愧將人事消玄髮。坐使春光入翠楊。陪侍聞鶯期不遠。多歡鼓吹遍詩腸。

湖北道中

翠壁丹崖互迭迎。清晨引我峽中行。溪流鹿飲巖花落。驛樹鶯啼山日生。午睡恰逢轎坐穩。微醺始愛袷衣輕。蠶桑功就田功起。卜得村村祝太平。

江樓

晴景遲遲春欲空。江樓把酒思無窮。花飛不爲微風起。山靜還憐淡靄籠。家鴨將雛汀草上。隣雞鼓翼竹園中。幽觀洵美誰相與。唯有帆檣日日通。

暮春集香川先生宅奉呈

盛筵卜日值新晴。仙侶追隨詩酒盟。白髮坐傷春事老。丹房自愛世塵清。柳風吹絮如嬌客。花雨飄香不濕鶯。爲是傳家鄉國舊。且從秉燭話平生。

嵯峨讌集

城西佳境值春融。勝席爲開圖畫中。山水有緣今雨

飲。盃盤添興舊愁空。松林人靜鳩啼午。柳渚煙輕燕
弄風。更向濃花深處去。舟頭回。既月昇東。

巖垣亮卿席上賦

仲氏見諺。因宿仲氏。仲氏宅在亮卿與余半路。

談玄新訂曉。牕盟定恠忽。忽中席行石鼎芳茶宜飽
飲。松檐暝雨幸收聲。實緣留宿成同被。且趁歸途近
半程。笑約他霄晴雪後。應門須使小僮迎。

次士善韻

城西屏跡避才賢。愛子追隨堀水邊。半日欣歡憑濁
酒。百年心事付陳編。園松月上風微度。籬菊秋高露
可憐。衰病從來如養望。自茲徐榻不須懸。

巖垣亮卿邀宴鳴水客樓

帝京冬暖土膏融。野色蒼然鴨水東。雪壓枇杷花半
吐。霜肥萊菔葉將空。沙汀鷺立微風動。山郭鳥棲晚
靄通。爲是主人憐老病。勝遊相會一樓中。

春日詣

准三宮一品大王山階之邸。迴合青山石路賒。君王殿閣駐煙霞。慈雲長護園
中竹。法雨遍開池畔花。幽谷雉鳴春晝靜。珠簾鷺入
午風斜。逍遙鎮日人寰外。作賦偏羞恩禮加。

高橋建溪宅賞菊

青山迴合朔雲長。仙吏林園逢坂傍。半日勝遊真款洽。三冬物色未淒涼。松窻試茗風添韻。菊塢評花雨有香。好是筍輿扶老病。暝鐘動處尚行觴。

雨中訪源士續宅 得蕭韻

郊村冬暖望還饒。坐對暝雲向晚飄。鷺立芊畦煙淡淡。鴉翻楓葉雨瀟瀟。門頭驛路行人急。室裏琴書俗慮消。休假迎賓多少興。莫言官況不逍遙。

晚秋洽仙家川遊賀茂隣近諸友携具喜賦

秋郊晴景自融融。輜坐還憐微受風。雁帶懶雲過嶺上。葉隨流水入城中。香芹蒙迳知霜薄。晚穀登場祝歲豐。更有行厨添興趣。遊山終日故人同。

嵯峨歸途宿延慶菴

晴郊攬勝值冬溫。桂水東西古意存。脩竹園村閑福土。蒼松夾迳入空門。點茶興向高僧得。曳杖情須同友論。午夜上方明月靜。幽深疑是武陵源。

春日訪六如菴

精廬近接鴨河濱。樹竹森然隔四隣。風信傳梅來靜座。春陰停雨付幽人。疎簾阿閣遲暝色。詩語玄言有勝因。薄夜最歡心地淨。靈山一點佛燈親。

嵯峨賞花 代人

春闌煙景四邊生。恰好西山携手行。舊雨於人如有意。濃花隨處似相迎。峯頭鬪色青松映。屋外浮香碧水清。爲是勝筵多興趣。夕陽詩酒自縱橫。

恭奉送

一品准三宮大王

涼秋寶節雁池涯。臣僚如雲客路賒。湖上神宮閱伎樂。天中仙嶽湧蓮花。隨緣再見玄門闢。護法深欽戒力加。不用凌空金錫度。西風吹送白牛車。

遊弘源寺

秋晚西郊事事幽。老禪方丈大川頭。行雲影裏松圍寺。流水聲中人倚樓。夕景映苔棲鳥下。遙空斂雨斷虹浮。談玄攬勝塵心淨。久坐何論宋玉愁。

孔雀樓文集卷之一

孔雀樓文集卷之二

越國文學 播磨清絢 著

男 勲 校

五言絕句

題画

白雲巖上起。裊作谷中橋。時有羽衣客。往來月下簫。
錦石迴彫榻。朱花接彩楹。只看枝上鳥。不聽鳥啼聲。

赴播口占上二兄

人謂播州好。桑梓更繫情。春風花發日。只是不同行。

同從兄君履遊石寶殿 在播磨

石室留靈蹟。神光萬世開。登臨何限意。更與弟兄杯。

月夜同諸子遊大元宮二首

日夕山中行。愛此神宮靜。時聞山鳥啼。林端月出影。
深林涼露降。脫巾唯從醉。松風時來掃。不知松子墜。

少年行

男兒欲作俠。何必劍雌雄。昔日魏公子。心膽可憐蟲。
日擁幽燕妓。醉裏喚纏頭。五色鴛鴦錦。併贈血髑髏。

戲贈隣家翁

翁業造糖果

隣翁近相識。淳朴自風流。客至須相報。牆頭過饅頭。

題新竹圖

新篁生石際。勁節自相期。遂有凌雲日。低垂此一時。

聞雁

雲外哀哀雁。都傷半夜神。江樓風又雨。中有宦遊人。

秋日郊行

出郭連山闢。筍舉去未休。西風吹落葉。無限北郊秋。
驛舍臨河上。浮橋水急流。須縱千里目。相邀夕陽樓。
良友成相約。香醪又對斟。更將山水美。少慰望鄉心。
大道一何遙。青青松檜樹。殷懃難作懷。不是還京路。

延慶菴歸途中偶作

山中辭道侶。觀物自關情。夾逕長松樹。依依似送行。

子雀樓文集 卷之二
樹裏川聲近。長隄不見家。村梅如有意。發得數枝花。
過來林際路。豁達大川通。遙瞻雙龍闕。城雲五色中。

南下長流直。虹橋夕日催。正東連邑屋。得得入城來。
七言絕句

和禾生靈山春望

鷺峯樓閣倚晴空。楚客登臨作賦雄。五色雲中花似
海。長安十萬戶春風。

暮抵武佐

既見前村暮。靄生羈心與鳥似爭程。殘陽尚在堤松

上人影斜連馬影行。

湖北道中

村靜山遙湖畔路。榆柳影沈日將暮。田水盈盈牛不
驚。鴉兒卓立桔槔柱。

蕭蕭驛馬短長堤。隔竹人家落日西。自是江村幽事
在。牧童臨水飲雛鷄。

遊仙曲

閨苑真遊路不賒。朝清歸去駐雲車。麒麟晝卧金壇
草。孔雀春啣玉洞花。

采蓮曲

畫船來往水中央。翠袖含風笑語長。愛殺芙蓉多並蒂。花間七十二鴛鴦。

送伯恭之阿波

翠柳陰陰繞畫樓。玉簫金管緩離愁。浪華江上桃花水。無恙海南明月舟。

南州攬勝壯遊哉。水色山光對舉杯。屈指還家期不遠。彩衣相映牡丹開。

陳搏 以下二首深春伍求

華嶽峻嶒積翠勻。雲臺更隔市朝塵。雷霆不破英雄睡。一覺相期屬猪人。

沐德信

世事營營各自誇。仍將身後競豪華。高人脫却風塵裡。野水無波月映花。

梅花

舞罷瑤臺月似眉。玉簪斜插鬢雲垂。中宵擲向人家去。散作江南白雪枝。

秋夜即事三首

梧桐一葉報新秋。月色帶煙螢火流。領取涼風消暑熱。微吟獨倚水邊樓。

遠雞傳響夜猶深。樹色蒼蒼露濕襟。錦帳誰家通夜

飲瓶中字若手親斟。

斜月沈沈曉色催。蟲音偏在碧池隈。中庭散步携明

燭。照見牽牛開未開。

春日偶作

春雲催雨坐氤氳。日午南窗酒半醺。黃鳥似嗔人睡

去。聲聲時自柳陰聞。

遊宇氏莊

流水涓涓遠竹扉。芹芽纔擢燕雙飛。村園餘得風流

趣。詩酒斜陽尚未歸。

送士河

少年詞筆孰爭雄。五載交情青眼中。此去好承明主

寵。談經應襲世家風。

江南春盡夏雲遮。綠樹重陰十萬家。湖北山溪深且

遠。行行猶見數枝花。

此日送君意不傷。慙慙相逐促行裝。龍山羽水餘風

景。屈指追隨共命觴。

螢

暮靄纔收片月殘。蘆蒲螢照水漫漫。夜涼時被風吹

墜。點點隨波下淺灘。

月夜泛舟

柳煙垂水，月昇東沙。鳥飛飛，小艇通秋色。自應人世，
遠滿川風露。玉壺中。

中秋陪

宴恭賦二首

高城夜色雨漫漫。陪宴何論道路難。正是三農期
潤澤，偏知明主有餘歡。
金屏銀燭四邊開。芳饌香醪拜賜來。中夜雨晴催
月色，恩光併映滿身迴。

上田山脇二丈邀遊龍山客樓川崎氏携具

玉露青楓江上秋。山樓縱目雨新收。勝筵猶有良朋

在省，却鄉園一段愁。

冬日遊玉峯公莊三首

同淺海樓田春川

江上名園冬旭晴。山峯濃淡畫中生。追陪幸爲容衰
病。花塢苔塔引杖行。

曲曲朱欄碧水潯。霜高嘉樹自成林。風流更有同游
在。諷詠悠然共話心。
江山面面擁樓臺。鎮日盃盤隨處催。薄暮猶歡餘興
在。蘭舟載酒月中回。

冬日會雨有文宅并寄華陽老丈

山雲送雨屢陰晴。夜宴多勞轎僕迎。爲是美人憐父

執盃盤仍得會同盟。

湘東渭北不勝思。窗外松杉和雨時。笑道便宜添興趣。君家賦得寄君詩。

雪泊二首

扁舟夜泊水雲涯。雪壓菰蒲望自賒。時被沙禽衝起去。篷中墜下不香花。

買得江魚酒滿卮。船燈照影雪如篩。中宵聊試推篷望。楚竹湘山不可知。

秋雨

山雨霏霏画不成。清川點點水紋生。鄉愁已被征鴻

促。添得芭蕉葉上聲。

偶作

蘆花楓葉一川煙。百丈風收見晚牽。憶得江南秋色好。新篳篥笠打魚船。

春雨

密密作絲疎作煙。黃鶯不語柳如眠。南樓小酌消憂得。坐愛平川起翠漣。

早春作

楊柳如煙水繞村。鷄聲遠近上朝暾。春心坐入江南路。花信吹來過幾番。

春詞二首

柳際黃鶯啼不飛。春陰壓水雨霏霏。炙笙新退薰籠火。腸斷江南人未歸。

桃李花飛柳絮狂。蜂房釀蜜燕泥香。江南江北相思處。枕上無端春夢忙。

春日偶作二首

中園花竹弄新晴。半掩柴門懶送迎。黃鳥不啼春晝永。時聞檐珮有稀聲。
斜日遲遲似故停。江帆無力向津亭。漁村路帶平蕪曲。時見炊煙一縷青。

呂洞賓爲士善

煙水茫茫月色流。洞庭湖上岳陽樓。朗吟難覺人寰夢。一夜群龍拔浪遊。

釵詩二首

有引

閨女縫衣夜未休。沈沈燈焰暗羅幃。銀釵抽取挑來後。依舊殷勤挿鬢頭。

斜倚勾欄臨碧池。銀釵半壓鬢雲垂。翻憐眉重非關酒。春瘦春愁更爲誰。

十月二十六日午後風雪甚士善袖詩來訪和

酬三首

玄亭飛雪帶回風。載酒憐君落日中。對酌不為庭上步。頭毛白盡久相同。腐儒衰晚主恩偏。拙宦年年病色連。休道文章憎命達。同鄉猶有故人憐。錦帳香煙似暖雲。歌聲酒令徹宵聞。城中玩雪家家好。苦茗論文此有君。

春日六萬坪偶作

蘆葦江邊十數家。扁舟依柳夕陽遮。還憐郭外樵漁路。開得春風一種花。

三島春煙

春潮日上萬條紅。巖樹汀雲金碧中。更著曉煙人世外。江山都似薄紗籠。

應冷泉侍從參議藤公之命奉追薦故大納言公五十年法忌

百年花鳥正平分。風月主盟誰不聞。自是世家冠蓋貴。併將雞舌助爐薰。

春日郊行有懷友人三首

橋頭垂柳晚鶯啼。草色青青妝舊堤。記得去年分手處。滿天風雪一川西。

佳人拾翠倚新妝。酒態如雲笑語長。麥浪青青風不

斷將雛野雉出還藏。
牛背笛聲煙外通。杏花深處酒帘風。山童不管榮官
事。三五歸來夕日中。

題畫

黃梅時節雨淒淒。山樹江橋望欲迷。採採芙蓉多少
思。美人遙隔洞庭西。

壽祇園文學六十

大藩文物見仙才。幾載江南首重回。好是蓬萊雲五
色。壽筵相映筆花開。

題南嶽公画

微茫煙雨洞庭東。五兩搖搖好占風。款乃一聲春靄
散。君山近在碧波中。

題女仙圖

妙齡芳質自生成。淡掃蛾眉道骨清。不用春風花鳥
使。彩雲深處白鵝迎。

孔雀樓文集卷之二

